

性
情
集

周
巽



欽定四庫全書

性情集卷一

擬古樂府序



元

周

巽



撰



余讀太原郭茂所輯樂府詩上自唐虞三代歌謠下逮漢魏晉宋齊梁陳隋唐君臣所擬諸體樂曲歌辭凡百卷淵乎博哉服膺歲久粗會其意因以漢鼓吹橫吹相和清商舞曲琴曲雜曲并近代新樂府辭倣其體制雜以平昔見聞積成百有五十四篇第學識淺陋音節舞

調未能合乎古作之萬分然於蕩蕩之言或有可采暇
日令丘彬編次為二卷以俟知音者相與正焉歲在丙
辰九月望日龍唐老艾周巽謹識

聖人出

羲軒位皇極如日行中天聖聖繼作則墳典斯流傳乾
坤大一統圖書垂萬年高岡耒彩鳳清廟鳴朱絃尼父
振遐躅人文日丕宣

上之回

珠宮三十六避暑之回中地勢蕭關險雲氣蓬萊通廻
巒蔽赤日飛瀑含清風仙桃進王母金芝獻玉童巡遊
樂無極數幸甘泉宮

臨高臺

崇臺凌空起登者憑雕闌上摩黃鵠近下見清水寒高
振飛霞珮俯挹承露盤雲霄雙闕並基址萬年安栢梁
歡宴夕乘驂青鸞

巫山高

峩峩十二峯上有凌雲梯峯出高唐峻雲來太白低山
鳥飛不過峽猿愁亂啼望極竟欲斷夢中心自迷遙憐
楚臺語芳草碧萋萋

遠如期

軒轅上天去群臣從者誰不得攀龍駕長思來鳳儀山
頭候子晉海上逢安期贈以五色棗酬以九莖芝仙人
去已遠重來期此時

元會曲

青陽正開動彤庭慶昌辰霞光隱鸞馭日色動龍鱗莫
生一葉始芝滿九莖新覽輝下儀鳳化泰集祥麟千官
齊舞抃天子萬年春

校獵曲

豪鷹厲風翮駿馬騰霜蹄長楊出旌麾上林喧鼓鼙飛
羽雲中落駭獸草間啼翻身射天狼隨手墜金鷄詞臣
賦羽獵侍宴明光西

戎行曲

東征度遼海朝雨泥塵沙珠袍黃金甲玉轡白雪騎前
鋒耀戈戟後騎鳴鼓笳連城不足拔諸將毋庸誇殺氣
昏海霧軍還應自嗟

送遠曲

行邁何靡靡惜別意留連花底注瑤箏柳陰停玉鞭大
旗懸落日高蓋凌飛烟笳吹茲辰發凱歌何時還邊風
鴻雁來應有捷書傳

郊祀曲

圜丘報本始黍稷薦芳馨上帝鑒下土茲壇朝百靈瑤
階降甘露璇霄羅景星猗那協音律於穆想儀刑錫福
思無疆四海歌咸寧

飲馬長城窟

漠漠遼水雲明明關山月迢迢萬里程歷歷飲馬窟有
婦哭聲哀哭城城為摧秦兵五十萬白骨雪成堆至今
窟中水猶是當時淚涓滴積成泉長留在邊地前年度
遼西渴馬繞城嘶八月天已寒雪飛沙路迷今歲陰山

道解鞍卧沙草魂隨秋鴈歸夢見家山好早晚向臨洮
朔風吹節旄歸騎大宛馬玉盃蒲萄

子夜四時歌

樂志曰子夜歌者晉曲也晉有女子名子夜造此聲過哀苦後人更

為四時行樂之辭
謂之子夜四時歌
鴛鴦合歡夕風動繡帷開明月流光入夢回心自猜桃

花開又落不見翠鸞來

右春歌

芙蓉合懽帶玉珮紫羅囊縮作同心結襟抱含清香妾

心蓮菂苦愁緒藕長

右夏歌

珊瑚合歡枕無寐過中宵背壁寒燈暗花殘恨未消涼

聲鳴落葉天際雁書遙

右秋歌

錦繡合歡被香篝宿火殘玉樹霜華結鳥啼清夜闌起

看梅破萼欲折寄來難

右冬歌

出藩曲

承恩辭帝所分封出藩陞綬縮黃金印旌麾翠羽旗香
凝燕寢晝花暖鳳臺時閭外恩光被庭中淑景遲功成
如作樂請奏南風辭

秋胡行

鴛鴦在芳洲飲啄長相顧雌留楚水湄雄飛秦苑樹娟
娟誰家女嫁作秋胡婦合婚纔五日夫婿離家去五見
櫻桃花思君在何處膏沐難為容中閨守貞素春日載
遲遲采桑陌中路忽逢馬上郎持金前致語正色不可
干攀條衣濕露采采未盈筐蠶飢那可住忽聞夫遠歸
歸見相驚顧乃是遺金者升坐向姑訴妾心皎如日夫
意輕如羽鳥猶有儔匹人豈無思慮中流忽自沉大節

以彌著

相逢行

渭北一相逢停鞭駐玉驄問君家何處云在洛城東離
家今幾載歲月如轉蓬話舊各傾倒相看如夢中解貂
秦樓裏盡醉酬知己秦女揚清歌霏霏啟玉齒兩臉桃
花紅翠袖舞東風斜暉轉楊柳新月上梧桐此會良可
樂傾壺思再酌昨日見花開今晨惜花落流景不再來
別離恨難裁人生會面少且覆手中盃明朝又分首上

馬東西去遙望秦關雲高連渭城樹

樂府羅浮詞

青青陌上桑盈盈桑下女行行逢使君駐馬前致語會
云秦羅敷採桑事勤苦夫為侍中郎久宦在公府君意
一何癡妾身自有主彩鳳在高岡睢鳩在中渚物微知
所託去去莫延佇綠葉已盈筐蠶飢日將午

有所思

長門春寂寂宮漏夜遲遲明月流珠戶輕風開繡幃昔

承恩寵處猶想夢來時不見金鑾幸惟應玉筯垂燈花
明又暗佳期杳難期

門有車馬客行

解題曰皆言問訊其客或得故
舊鄉里或駕自京師備叙市朝

彫喪之
意也

門有車馬客清晨過衡門一見知舊識傾蓋停高軒延
客中堂坐殷勤聽嘉言問訊來何處荅云家平原離鄉
三十載喪亂今誰存暫逢同骨肉相見如夢兔交歡展
華宴適興奉清樽冰鱠切鮮鯉蕙肴雜芳蓀中情既相

洽密語方細論冠冕豈不貴簿書亦已繁蠅營與狼顧
昧者競馳奔蛾以燈自滅玉同石俱焚人生若朝露富
貴如浮雲今我不為樂晨興忽已昏持盃各傾倒感子
意彌敦驅車出門去林月照東園

戰城南

將軍初出塞列陣龍城南霜飛殺氣肅日落戰聲酣
弩
殺毒流矢鋒交血染函單于行繫頸嫖姚且停驂凱旋
何神速破虜有兵貪

入朝曲

聖作萬物覩如日天之中玉帛來群后車書慶大同翔
轂臨馳道鳴珮集上宮天香滿臣袖封事達帝聰袞職
慚無補賡歌頌成功

長門怨

金闈月色暗玉樹霜華寒戶外珠簾捲時、望翠壘還
聞觴王母池上宴將闌甘露和王屑恩疎那得食昔為
上林花今為荒原草、自近來枯花能幾時好妾心若

未知君寵妾難期寧食蓮中葯休牽藕上絲不愁娥眉
妬常恐神仙誤君如天上龍妾如草頭露長門夜未央
月闕近清光新怨長相結舊恩終未忘

洛陽道

行行重行行東出洛陽道離離黍場踈踈為茂草繫昔
營洛時地不愛其寶貢賦道里均明良朝會早九衢霏
紫烟雙闕麗蒼昊槐柳蔭御堦香塵淨如掃歲久競繁
華物盛還枯槁一從周鼎遷漢興基再造佳氣復葱葱
怒如擣

昭君怨

邦畿古來好瞻彼泱泱流往事聞父老賈誼才可憐石
宗富難保京洛風蕭蕭天津日杲杲周道少人行憂心
瑋瑋充耳雙明珠美目清揚含百媚同心綰結青珊瑚
三千宮女誰第一當時王媵絕代無天子按圖初未識
承恩遠嫁南單于朝辭皇都去日逐胡馬驅邊塞幾千

里行行但長吁心中萬恨向誰訴馬上琵琶聊自娛鴻
鴈南飛漢月遠驂騑北去燕草枯朔風吹沙砭人骨寒
雲雨雪斷胡鬚銀甕蒲萄初出酒寶車駝駝新取酥帳
中強飲解愁思情至酒酣愁未紓明月流光照耀榆關
路迢迢不可踰幾回夢想乘黃鵠飛入長安侍玉輿胡
情不似漢恩重妾意終憐君寵踈君不見紅顏薄命何
足惜長恨和戎計策遷四絃不盡昭君怨千古空留青
塚孤

猛虎行

疾風撼林木空谷來嘯聲秋氣何肅殺於菟晚縱橫耽
耽掉尾相逐行一獸咆哮百獸驚玉爪拳鉤蹴冰裂金
精夾鏡流電明磨牙吮血食人肉威勢慘酷傷群生荒
野雲深山月黑猿啼老樹寒蕭瑟馮婦回頭不下車李
廣彎弓空裂石郊原千里絕人行近郭時時見其迹鳴
呼安得政化如劉琨虎北渡河風俗淳外戶夜開無吠
犬耕桑共樂江南村

銅盤歌

武皇鑄銅柱上有承露盤盤出仙人掌高凌浮雲端金
莖的皦珠光寒和以玉屑供朝食一旦神歸茂陵去苔
花滿眼秋霜殘思君不見淚如雨銅柱淒涼圍畫欄渭
水西風黃葉落驅車載來京國盤傾柱折聲如雷驚起
千年華表鶴暮雨空山泣石麟寒烟斷甃埋銅雀君不
見芳林翁仲笑相迎青鳥不來海波涸

陽春曲

東風噓谷飛香霞淑氣融融催百花黃鳥間閑語庭樹
清簫宛轉隔窓紗雨過御溝流水急天桃夾路紅雲濕
蓬萊宮裏翠華來華萼樓前僊樂集殿閣千門御氣通
金窻珠戶光玲瓏臨軒若問司農政無逸先陳今古同
萬古光輝沾德澤小臣愚獻治安策鸞聲噦噦早趨朝
桑樹鷄鳴曙光白

織錦曲

金梭動玉腕舉當窓織錦誰家女七襄終日不成章五

色牽情亂如縷遙想夫居天一方關山迢遞河無梁燈
前茶絲鳴絡緯機上交頸雙鴛鴦舊恨難裁幾行字新
愁暗結九迴腸照帷銀燭空憐影唾壁綵絨猶帶香忽
聽喔喔鄰鷄唱停梭起視心徊徨星橋暗想飛鳥鵲雲
錦旋看成鳳凰君不見漏斷金壺啼玉筯思君不見知
何處織將字錦寫中情寄與明年春鴈去

梨花曲

仙妃下瑤圃靚粧乘素鸞盈盈含芳思脉脉倚闌干冰
玉肌膚真貞潔多情長得君王看白雲滿階月欲暗香
雪半樹春猶寒鴛囀高枝迎淑景隔花低蹴鞦韆影羨
人微笑步花陰玉纖自把宮鬟整東家蝴蝶雙飛來芳
魂欲斷梨人冷

琵琶曲

明妃初出塞愁恨寄哀絃千歲琵琶語六么音調傳新
聲乍轉鶯啼樹餘響不斷龍吟川拂指四絃如裂帛銀
床葉落悲寒蟬空林淅淅鳴虛籟幽澗泠泠流瀑泉獨

抱中情向誰訴曲終馬上啼嬋娟鳳鳴朝陽苦難見鴈
叫羅浮私自憐別有離愁彈夜月潯陽江頭停客船鳴
絃撥盡清商怨月冷娥眉秋滿天翠袖拂絲聲切切青
衫濕淚思綿綿君不見越女吳妃美如玉十三彈得琵
琶曲一朝遠嫁隨征夫望斷江南春草綠

空城雀

空城雀喧啾無樹棲城角雄飛雌哺黃口雛群遶荒蕪
無粟咏何不飛去山林樂城頭日落號烏鳶城下荆棘
霏寒烟朝昏飲咏不充腹磔磔悲鳴誰汝憐自歎空城
非所止猶勝身罹網羅裏君不見郊原四面皆網羅無
地潛縱將奈何安得仁恩及微物雨露生成囿泰和

野田黃雀行

野田有黃雀羣飛向村落禾黍秋來啄食肥蓬蒿暮宿
潛身樂不同飛燕營窠巢豈逐征鴻罹緇繳微物猶知
棲息地四維塵網誰能避君不見鸚鵡在樊籠幾時脫
迹山林中

梅花引

君不見西漢梅子真精魂化作花中神君不見開元宋
廣平辭語採得花中英鐵石心腸賦偏麗神仙風韻氣
獨清江南十月芳信早萼綠花開照晴昊玉樹皎如冰
雪明詩人吟到乾坤老萬松嶺下月昏黃忽憶故人天
一方折得繁華無使將空山月落遙相望霜寒野迥聞
殘角撩亂漫空香雪落長嘯曾驚洞口猿高吟欲借山
頭鶴幾回踏雪過溪橋滿眼白雲寒欲飄倚竹相看歎
翠袖歸來三日香不消揚州歲晚花猶盛聞說東皇消
息近笑問花神不肯應為君傾倒酬清興我歌梅花引
勸飲君莫辭大羹調以黃金鼎旨酒酌以白玉卮氣轉
洪鈞在頃刻挽回春意非君誰

猗蘭操

朝露凝兮奕葉光紫莖出兮芬芳託根兮楚畹芳菲菲
兮滿堂念中情兮不能忘擊玉珮兮紉幽香操鳴琴兮
動清歎遺音兮心徬徨懷美人兮天一方感露霜兮沾

裳
孤鶴度遼海辭家已千年棲息向華表飲啄下青田雪
為衣兮朱為頂清聲唳兮聞九天有客結廬兮傍林泉
聽遺音兮彈鳴絃竹風動兮憂憂松月落兮娟娟恍臨
軒兮無影飄縞袂兮踟躕長鳴兮拂雨挾雲巢兮飛仙
忽神遊兮蓬島響天籟兮泠然

別鶴操

欽定四庫全書

性情集卷二

元周巽撰

擬古樂府

節士吟

脩竹生中林長松在幽壑嚴冬霜霰零枝葉不黃落夷
齊歸西山餓死無愧顏魯連蹈東海一去竟不還蘇武
持漢節飢來嚙寒雪遂使李陵慚去住難為別古人重
義不顧身聲名烈烈垂千古採薇嚙雪辭金者寥寥千

載空無人睽彼宦遊子胡為寡廉恥我歌節士吟六合
清風起

羽觴飛上苑

春風二三月綺席列瓊巵鶯啼上林苑花覆太液池酒
令行觴飛羽急樂歌轉曲流聲遲玉醴香中春潏灑金
波影裏翠叅差冰絃觸指雁初度風笛啓唇鸞乍吹宮
錦淋漓羅袖濕娥眉起舞雙玉妃君不見長楊日落天
仗去清夜銅仙空淚垂

薄暮動絃歌

斜日照東壁樂音紛滿堂翠娥啟皓齒玉指彈清商花
前起舞青霓裳絃將白雪聲遠梁秋風洞庭叫鴻雁春
日高臺鳴鳳凰晝刻苦短更漏長寶篆香消銀燭光君
不見承恩飛來燕昭陽天留一鑑吁可傷

鷄鳴高樹巔

東方曙色動喔喔金鷄聲初唱踈星落再啼斜漢傾朱
冠摇摇奮錦翼飛出扶桑枝上鳴生秉五德合陽精司

晨長是臨五更氣雄將闔躍金距餘勇未衰猶力爭有
客能鳴度關早何人促起舞劍輕朝來喧呼驅上樹木
末聲殘風露清思婦因之驚遠夢歸人不至感中情感
中情向誰訴人在邊頭音信無幾回夢遠關山路

錦樹行

吳江上郢水東木落秋霜冷波涵夕照紅天機織成五
色綺地氣吐出雙飛虹低連曲岸山嵐曙遠接寒罔野
燒空楓葉滿林凋玉露落霞影裏飛孤鶩漁歌聲斷綠
雲留我行見之歲云暮關河萬里鴈書遙行子天涯在
何處我歌錦樹行曲盡難為情十月桃花爛如錦運糧
初過武昌城

壯士歌

君不見荆軻辭易水飛蓋過秦宮一去不復還白日貫
長虹又不見樊噲入鴻門瞋目髮衝冠立飲斗卮酒狂
言敵膽寒秦王絕袖環柱走沛公間行脫虎口兩雄事
異壯心同擁盾何慚持匕首近代羽林如虎貔黃金瑣

甲元武旗三石瑯弓百發中千鈞寶鼎獨力移時危此
輩盡奔散如噲如軻知是誰落日高臺大風起安得守
邊皆猛士力挽天河洗戰塵功名圖畫麒麟裏

關山月 蓋傷離別也

披青雲見丹闕玉鏡懸青天幾迴圓又缺居庸古北接
陰山照見長城多白骨胡笳夜奏聲嗚咽羌笛曲吹楊
柳折姮娥流彩到中閨邊鴈不來音訊絕夜夜馳情瞻
兔窟天闊清秋河漢遙思君夢斷關山月

梅花落

中庭一樹梅飛雪委荒苔我行驚歲暮幾回落花又花
開玉筍啼妝面思君契闊何由見城頭霜角入雲悲吹
斷芳魂淚如綫

芳樹

前庭植芳樹雨露浥華滋下有盤根節上有連理枝鬱
鬱清陰合離離佳實垂榮華信可愛零落亦可悲佳期
彩雲散倚樹長相思

元冥曲

元冥啓芳籍化機動元英六華凝中素一氣分太清涵
養成佳實味之以和羹碩果如不食剝盡還復生

車遥遥

車遥遥去何之馬蕭蕭鳴深悲路遶關山千萬里望君
不見長相思黃塵蔽日征鴻斷肝腸似割空留戀霜雪
墮指冰斷鬚未寄衣裘淚如綫長途豺虎方縱橫鬼驚
膽落傷中情傷中情向誰訴百歲光陰暗中度車遥遥

何處去

遠離別

朔風起鴻鴈來遙傳蘇武訊直過李陵臺萬里關山和
月度幾行書字拂雲開群飛遠浦鳧鷺亂陣落平沙鷗
鷺猜自是隨陽向南去非關避雪待春回數聲鷺起閨
中怨夫在邊頭何日見水長天遠若為情月下停砧淚
如綫

怨王孫

金定四庫全書
卷二
王孫遊愴忘歸芳草綠落花飛草綠花飛春又暮憶君
心緒眉斜暉水流赴壑何時返心逐鴻歸關路遠萼華
樓前白日昏芙蓉帳內香雲暖夢見王孫雪滿裘腰間
玉帶珊瑚鈎金鞭斷折銀貂敝昔日紅豆今白頭
驚淚雙落娟娟殘月入房櫳淅淅淒風動簾幙

採蓮曲

泛西湖西湖五月初盈盈綠水開紅蕖纖手雙搖木蘭
槳荷花蕩裏移輕舫花深密葉不見人隔花遙聽菱歌

唱交歌唱中情自惆悵權遶回堤去復來搖動露盤珠
蕩樣珠蕩漾不成圓日照芙蓉顏色鮮嬌態臨風歌翠
蓋新妝映水落青鈿採花休採葯心苦誰如妾顏紅羞
比花眉翠還同葉南風送微涼吹香襲荷裳折花挹荷
露驚散雙鴛鴦夫君在何處妾心詎能忘碧莖刺手絲
不斷芳容常恐凋秋霜誰家遊蕩子調笑弄湖水妾心
自比花更清獨棹歸船明月裏滿身香露迴中房月掛
高臺鸞鳥鏡光吳姬越女多愁思歌遶湖波空斷腸

長安道

長安甲第連雲起馳道迢迢直如矢香霧滿城飛轂來
千門萬戶東風裏路入甘泉御氣通樓開丹鳳霞光紫
玉階朝覲響瑤珂僊仗傳呼鳳輦過柳拂龍旗露猶濕
交衢雙舞鳴鸞和上林春早啼鴛鴦亂渭水秋深落葉多
豈知一旦繁華歇禾黍離離將奈何有客有客長安道
衣裘塵滿愁難掃旅懷欲寄雁不來富貴翻憐故鄉好
君不見長安道上多虎狼常恐行人度關早

芙蓉行

天門初曙啼早鴉西風吹落丹青霞美人閒倚闌干立
錦樹霞初見花美人顏色花可比歲晚見之心自喜
瀟灑沙邊雲彩飛珊瑚枝上虹光起密葉玲瓏亂翠毛
繁英燦爛裁文綺宮女焚香別殿中秦娥攬鏡粧臺裏
朝來艤棹驛亭西疑是美人隔秋水紅粧翠袖青霓裳
微笑含情啓玉齒木末霞消落日紅相思咫尺雲千里

桔槔行

八月初曙啼欲涸車聲軋軋村落晚禾將槁大田枯絡
緯悲鳴止還作蟬螻垂光飲斷流蛟龍蛻骨臨深壑汗
流被體足未停辛苦救得禾田青十日無雨穗將絕蕩
蕩旻天呼不聽君不見秋糧已免皇恩早天賜豐年應
更好不用含愁怨枯槁化機頃刻回枯槁

苦熱行

祝融南征馭赤龍鶉火飛焰當前鋒渴鳥吸盡蓬萊水
妖虹掛在芙蓉峯田疇枯槁泉欲竭沙石銷鑠金為鎔
重惜民憂魚鼎沸得非帝遣龍門封雲蒸谷口澤未降
虎嘯巖前風不從六合如在洪爐裏不知何處堪潛蹤
嗚呼山林晦迹無地容安得天風駕我遊鴻濛

長相思

長相思惜芳顏郢樹雲深不可攀三峽猿啼夕照間瞿
塘江寒水初落巨石奔流多險艱百丈牽江行水灣望
斷征鴻過衡嶽夢隨行雨來巫山霜凋黃葉鳴絡緯夜
長不眠淚潛潛長相思何時還

楊白花

楊白花白於雪漫空撩亂飛瓊屑有美人兮將別攬柔
條兮初折絮紛紛兮舞離筵酌綠酒兮鳴朱絃感中情
兮惜芳年迎章臺兮舞袖繞隋堤兮吟鞭去金河兮幾
千里攬愁緒兮綿綿思夫君兮不息望雲鶴兮翩翩

蒼龍吟

江潭月冷流清音紫竹吹作蒼龍吟含商引徵曲意深
曲意深淚沾襟關山遠何處尋美人滿酌金屈卮勸我
行樂當及時艷歌流舞揚光輝揚光輝照春日壽萬春
歡未畢

效樂未央體詠梅二首

六花出一陽生催凍木吐寒英棲遲谷巖裏凜如聖之
清

冰注魄雪霏香發春意冠年芳元氣所融結花中之素

王

野有梅

思君子也君子在
野感物而托興焉

野有梅山有璞歲將晏兮微霰初落我思美人如玉追
諧
山有璞野有梅歲云暮矣飛雪皚皚美人既見我心孔

吁嗟美人兮贈我以瓊英酬以珮玦聊結中情願守貞
白母渝初盟

清平調三首

武皇開宴影娥池侍宴阿嬌新寵時金屋春深扶醉起

鸞鳴花底日遲遲

簾外宮娥舞袖來霓旌雙引出蓬萊一泓仙掌金莖露
分賜群臣七寶杯

兩院東風飄紫霞天香飛落上林花恩踈不見龍輿過
望斷長門日又斜

補古樂歌 并序

唐元次山補樂歌序曰自伏羲至于殷凡十
代樂歌有其名亡其辭考之傳記義或存焉

採其名義以補之凡十篇命之曰補樂歌余
 讀次山之作愛其辭旨淵古宛然若當時之
 制難可倣倣遂考傳記所載上古聖人制作
 功德如伏羲結網罟以教畋漁神農作耒耜
 以教耕稼軒轅造律呂以審陰陽堯觀莫莢
 以正歷象舜繇陶冶以陟帝位大禹之疏河
 成湯之禱旱成王之卜洛皆歷代聖人制作
 功德之大因以名篇亦謂之補樂歌云

案耒耜莫

莢疏河三篇永樂大典原闕

網罟

代結繩兮古庖犧網罟設兮取象於離張萬目兮舉維
 以佃以漁兮隨所施龍馬出兮河之涯

律呂

嶰竹生兮鳳凰鳴協陰陽兮制鳳笙箛十二兮和五聲
 奏雲門兮天下平地乘龍兮遊太清

陶冶

歷山之下兮河之濱陶元氣兮治大鈞塼埏埴兮淬清
泠器不苦窳兮資吾民德升聞兮韶音以成

禱旱

素車白馬兮來桑林六事責已兮感天心天心回兮霈
雨霖蘓萬物兮恩澤深大濩作兮流遺音

卜洛

假神龜兮建東都定寶鼎兮開皇圖武功成兮文德敷
白雉在庭兮鳳在梧歷歷世年兮垂遠謨

欽定四庫全書

性情集卷三

元周巽撰

五言古詩

題吉文殷仲勗脩竹亭詩

君子有高節氣凌青雲端開軒來舞鶴鳴籜驚棲鳶簾
影搖翡翠珮聲戛琅玕行吟何洒落嘯歌自盤桓雲來
書臺遠月照文水寒焉得共觴詠筠窓聽清彈

希文堂為羅宗文題

城南羅隱君簡默重高誼仰希文正公敦族輕市利德
 著麥舟詩恩垂義田記嚴親八十餘綵服日娛戲棣萼
 映春暉友于自倫至晚歲閱金經頗悟仙丹祕遊神慕
 松喬脫畧棄塵事昔見雙珠明今留一株桂玉樹照西
 園芝蘭雜芳蕙悠悠白雲飛馥馥金粟墜聿瞻希文堂
 令人發深喟

賦明月珠奉簡三衢馬子善

明月何團團清輝散霞綺君如明月珠湧出滄海裏文

采照三衢光華騰萬里煌煌海內珍驪龍見之喜綴冕
 堪疑旒為可充耳蛾眉笑相看魚目羞自比景星夜瑞
 熒熒甘露朝旒旒我歌明珠篇蟾光浴秋水

分題得螺川送郡侯高志道秩滿赴京

金螺出晴川日照波光動物微秀所鍾名與川增重五
 馬日邊來川靈應效貢紛如浦珠還驪龍爭戲弄咫尺
 湧波濤長風一吹送永懷朝宗心未歛河清頌

詠諸葛武侯

南陽諸葛公隆中卧不起元德三顧之情好猶魚水鼎
足勢既成出師志未已炎灰不復燃大星當營墜如何
建安後正閏味前史紫陽舉額網照烈著漢紀君臣大
義明書法春秋比

巢雲

嵩華謫仙流逸氣凌霄漢卷跡孤影微成章五色爛卧
瞻蟾窟低起舞鶴髮亂悠悠心自閒冥冥夢初散天孫
促駕招太白倚屏者俯視芙蓉峯臨風灑飛翰

題黎氏彬軒詩

晴雲麗初旭光照城南樓樓中有隱者黎氏儒家流文
彩絢素質書香樂清幽雅性敦孝友高懷重交游班班
春綵立馥馥秋蘭抽當窓揭吟翰輝映珊瑚鈎

贈五嶽道士劉九臯

翩翩鶴南飛翼翼來青田神閒遊五嶽聲清聞九天振
衣瑤臺上舞羽玉皇前一顆還丹現三花聚頂圓芝壇
月隨步松巢雲共眠玄都看花去飛駕凌紫煙

蘆花塢詩

飄飄校書郎棲迹蘆花塢孤雲卧高林雙鳧下清浦玉
樹帶蕪葭秋光映眉宇曾懷冰雪明容儀鸞鳳舞昔陪
青藜翁灑翰群玉府佩劍出龍泉烟塵暗中土翩然賦
歸來垂綸傍蘆渚雪花香滿襟風絮光翻羽邀彼鶴上
仙泛我尊中醕高歌落海蟾長嘯驚石虎願接盧教遊
仍呼太白侶飛駕凌清虛乘風過玄圃

詠鮑叔牙詩

鮑叔相齊桓舉賢立霸功心知管夷吾所以常見容一
朝代齊相烈烈營西東遂令王綱正列國咸服從高誼
薄雲漢羨彼雙飛鴻後來結交者自謂膠漆同見利競
毫髮相擠陷穿中昔^若芝與蘭今為蒿與蓬古人不可見
邈焉想高風

澹雲為湘陰羅孝子國珉賦

悠悠江上雲靄靄雲中樹歷歷楚天遙思親在何處家
住白雲邊望極湘陰路朝看雲飛來暮看雲飛去雲行

出有歸遊子當返顧如何骨肉恩離別少歡聚憂來賦
停雲耿耿出情素願為黃鵠翔歸未慰遲暮相看共卷
舒怡然得深趣朗詠白雲篇烏啼殘月曙

詠羸女

盈盈花上月渺渺樹間雲中弄玉管娟娟陽花聞中
夜清聲歇碧雲鸞影分綢繆託蕭史中道哀離群瑤臺
幾春夢洞房餘夕薰遺音尚嗚咽愁緒何續紛鳳去臺
空存思君復思君

題青文蕭與靖歸興圖

藹藹溪上雲蒼蒼鏡中樹蕭散林下人行吟有佳趣避
迤立松陰盤桓不能去流水長無聲仙源渺何處拂袖
歸去來南山起烟霧

天台歌奉簡郡庠謝廣文玉成

我我天台峯峰高幾千丈金烏浴海潮飛出天門唱中
有綠髮翁神清氣豪宕遠繼太傅蹤遊觀赤霞障著屐
步雲衢鳴珂對天仗翩然舉飛翰振鐸螺川上文章若

有神班馬不相讓詩興秋雲高詞氣春濤壯茲辰涉大江携詩遠來訪延坐振文堂高談知雅量魚米芹泮者鶴去梅邊放孤雲起東山式慰羣生望

層溪釣隱為西昌郭廷輝賦

澄江有隱士世科冠朝端釣月層溪上溪清月光寒迢蹤坐磻石適意觀微瀾身披孤鶴氅手持一漁竿鷗鷺長為伴爵祿不可干縱無渭川想應作嚴瀨看雲來青螺浦月上金魚灘冷然發長嘯驚起卧龍蟠

詠曹娥

啞啞枝上花隨風早飄忽娟娟如花顏痛父逆潮沒哀號訖江神焉得收父骨臨流遂自沉死抱父屍出海濤助聲悲山雲共愁結事在漢安年誅成度尚筆孝哉曹娥心明明如皦日

贈楊用良之金陵

泛海得叢珠輝光比明月剖身藏之歸持以獻丹闕終受魚目譖謫為金陵客生還見妻孥自憐無定跡旋與

親愛辭復作千里別蘭棹入寒烟梅梢落晴雪翩翩孤
飛鷺寧肯棲枳棘冥冥海天長遙望雲中翼

采菊

秋英有佳色晚節含餘香悠然東籬下解珮紉芬芳繁
霜瘁百草林木盡凋傷白酒山中熟歸來松迳荒露冷
沾襟袖逸籬花正黃掇英引觴酌酣詠幽興長心閒得
其趣塵慮澹以忘朝飲菊井水夕餐菊籬英坐看浮
雲淨南山晚蒼蒼

題蕭氏思賢自省齋

城南有佳士蕭姓名思賢好古抱英氣讀書事精研嘗
從龍叅軍正學得師傅高誼重然諾中心守貞堅清論
灑蘭雪隱居臨市廛屏岫列圖畫大江橫其前特書自
省字高揭堂東偏操修日無闕三復白圭篇朝夕淨塵
慮靈臺常粲然庶幾希前哲俯仰不愧天賢友我同里
交游三十年微詩到山閣酣詠梅花溪邊自省當自勉
旃復勉旃

簡彭志南

號天池

歲在丁丑春東風轉花柳從來天池游劍光動星斗君
有個儻懷平居敦孝友氣壓波濤翻聲吹鯤鯨吼高誼
薄曾雲片言解紛糾偶坐逢故人傾倒接盃酒書屋臨
大江竹陰覆晴牖畦蔬遶回塘粳稻滿南畝甘旨奉親
餘此樂真罕有蹇余客平原契濶歲年久雲樹晚蒼蒼
思君重回首

山居樂為吉州文世傑賦

蘿壁卧閒雲松巢立孤鶴飄飄丹邱生棲息在林壑樓
倚芙蓉屏屏高翠如削長吟野猿驚清嘯岩花落卷迹
雲共歸鳴臯鶴初作朝市自紛紛山居有真樂

效八音體送李状元一初提學浙江

金閨早通籍石渠待校書絲綸閣中客竹間猶卷舒
龍瓜豈終繫土宇今晏如革化自君始木鐸揚名譽

寄女壻陳紹吾

明月出東山飛光照峨眉白雲生鏡石動有萬里期念

子在遠道身為微祿縻九載一遷秩會面知何時生女
有所托誰能嗟遠離去春始歸寧懷抱乳下兒苦云夫
去遠辛勤仰姑慈成童戀祖母乳子乃在茲近得嘉定
報衣成將寄誰亟令吾孫去庶用慰離思眉山雲千疊
錦水天一涯勗哉慎自保有志遠所為

賦得泮宮丹桂賀龍錄事元同登第歸

泮宮有丹桂千載留芬芳長沐聖人澤玉階秋露涼客
從廣寒來滿袖携天香中庭坐明月折華薦瑤觴嫦娥

娥顧之笑贈以紫錦裳飄飄凌丹闕鳶鶴相翱翔

早梅

孟冬天地閉萼綠數花開步繞溪上見香從谷中來
冉年將盡忽忽春又回征鴻避霜雪行子隔風埃歸來
履芳躅慰我平生懷

紅梅

彩鷲下雲壑歲晏停香車素妃持絳節丹臉含藥砂謫
居臞仙苑步出東皇家朝迎暘谷日暮食赤城霞尚恐

芳華歆飄忽令人嗟

梅山

飄飄羅浮駕皎皎劫外身
娟娟冰是骨粲粲雪為神
持節來瀛海噓氣為陽春
若非王喬侶恐是赤松隣
殷勤問芳訊未盡寰中塵

寒梅

嚴霜瘁群木生意存孤根
石泉水已合雪谷花初繁
膝與迎瑞氣山澤歸英菟
相看折凍萼微笑酣朝暾
藹然

見顏色傾倒花前尊

梅花

不見芳顏久儀容老更成
襟懷抱清氣灑落出真情
天寒遙邂逅握手如平生
曳月皎綃薄凌風鶴鬣輕
同有歲寒約重來會耆英

梅子

中林有佳寔孟夏雨初肥
離離青垂處落落紅綻時
昔曾感商夢標有興周詩
調鼎將用汝傾筐一望之
臨風

每相望聊以慰渴思

誠復齋為西昌羅建中賦

天地閉元冬繁霜瘁林木初陽應律回萬物自生毓有
客豫章來曰貞字誠復學易究精微潛心窮化育仰止
無極翁永懷繼芳躅所以太極圖通書常在目非誠曷
行非復曷歸宿貞也學有源家住澄江曲齋以誠復名
間居慎其獨中歲造化機外轉洪鈞軸窓雲隱孤光簾
霧霏清馥歲修息且游斯人美如玉十載一相逢文彩

光可掬手持明月珠訪我青原麓索賦誠復詩時時急
相促貞下復起元顧名常自勗鬱鬱南澗松猗猗北窓
竹相期保歲寒梅花照書屋

送左子聲赴金陵收父骨歸葬

哀哀歌蓼莪戚戚左氏子悠悠感中懷靡靡去故里痛
父骨未收隱憂徹肝髓孤舟過金陵惜別臨鷺水岸柳
情依依江波寒瀰瀰旅櫬幾時歸山中白雲起

哀故左丞余公闕

舒州控淮海蚩尤直層城余公此戰守七年無援兵公
有大將略烈烈如果卿百戰死城下向來一書生長淮
失保障寒潮送哀聲至今父老言聞者涕泣零

哀故參政全公子仁

南臨鬱孤臺白日忽已沒桓桓高昌公迴車奮餘烈平
生鷹揚姿矢以鬚濺血生既負主恩願為厲報國拔劍
殺二人公迴仗死節魂招不可來劍冷臺前月

哀故九江太守李公黼

正月江濤惡潯陽妖霧昏李侯守茲土慷慨顏平原身
親蹈白刃大戰城西門結纓歸府第衣帶戰血痕死且
瞑吾目罵賊不絕言公真天下士天子哀臨軒視被佩
符者區區何足論年年春草綠來此吊忠魂

蒼松

蒼松有古意撫樹常盤桓孤根蟠地底高節凌雲端老
龍驚蛻骨獨鶴落飛翰應中明堂用還扶大廈安適當
風雨會堅傲雪霜殘願結忘年友永期同歲寒

上苑梅

仗外迎春早花邊待漏遲
雪華飛上苑日色動南枝
壽陽臨風處落英點芳姿
珠簾清氣入倚閣寒雲垂
群妃侍華宴聽弄玉參差

寒梅

羣英生有序迺在羣英先
巡簷笑木李臨浦懷水仙
根枝本同氣華萼何相偏
雁行來遠塞垣聲動芳筵
唾彼紫荆花輝耀春風前

欽定四庫全書

性情集卷四

元周巽撰

七言古詩

姑蘇臺

吳山高吳水長烏啼霜楓落
鹿遊煙草荒百花洲在春
無主曾見蛾眉花下舞
祇憐西子捧心顰那覺越王嘗
膽苦山圍水繞闔閭城
故國臺傾空有名子胥伏劍夫
差死悲風哀動寒潮聲

黃金臺

邊風動燕雲開千金買駿骨宛馬從東來金臺百尺空
中起樂毅趨燕從隗始高陵秦塞雲幾重俯拓齊城地
千里照王已矣賢士亡黃金化土高臺荒白虹貫日天
蒼蒼易水波寒沙草黃

歌風臺

白蛇斷赤龍飛天開炎運成帝業雲捲蜚廉揚武威威
定四方歸故里酒酣擊筑歌聲起山河振動氣猶雄宇
宙廓清心自喜薰弦載撫韶音希幽雅又陳王化始河
流如帶誓猶存臺前虎嘯生荆杞

戲馬臺

睢水東彭城下西風殘照古臺荒楚項重瞳曾戲馬振
鬣長鳴聲捲河翻身一躍光騰波時危力盡將奈何騅
兮不逝空悲歌九日黃花秋霜晚長河東流去不返遙
憐霸業逐烟消賓雁南飛楚天遠

釣臺

桐江上一絲風
羊裘坐危石
輕雪落寒空
故人乘龍忽
相憶微起終
辭諫職夜驚
星動紫微垣
曉見雲歸翠
蘿蘿壁振衣
獨立富春山
魚鳥亦知心
事閒清風高
出雲臺表遺
跡長留山水
間

銅雀臺

西陵樹曾是美人歌舞處
腸斷君王死別時
蛾眉憔悴
分香去
奸雄心事有誰憐
殘瓦空題漢代年
銅雀春深
懸落日
石麟秋冷
卧荒煙
鄴下興亡今又古
烏號野樹
猿啼雨
泉局長夜鏢
幽魂有酒誰澆
臺下土

鳳凰臺

望佳氣臨高臺
金烏初出海
照見鳳凰來
千年王氣久
消歇
忽聽韶音動
雙闕烏衣巷
口烏鳴春
白鷺洲頭潮
湧月雲中天
樂下瑤京
仙女乘鸞弄
玉笙歌
散作春風
花滿城

陪全尚書子仁馮高州子羽宴劉宏遠江樓子
仁大書先得月樓四字且歌以美之子羽作記

伴余賦詩即席奉呈

昔年李謫仙呼月醉南樓尚書今夕宴客有馮高州坐
邀劉顥清興發樓倚長江先得月玉簫吹徹彩雲留聲
引鳳凰來上闕八窓玲瓏風露寒秋高銀漢生微瀾團
光未離滄海角流彩已照虛簷端書尚持筆高州記飄
飄頗有凌雲氣毫翻雲藻玉螭乾袖拂天香金粟墜醉
歌窈窕邀嫦娥滿目飛光感興多仙人騎鶴遙相遇玉
壺漱滌搖金波不醉如此良夜何吁嗟不醉如此良夜

何

輓轡

秋陽杲杲溪流竭井上輓轡轂不絕銀河斜轉玉繩低
心苦惟憂稻田裂邊雁南來人未歸娥眉顰蹙筋力微
遶床百丈哀音動樹攪西風梧葉飛蟋蟀悲吟腸欲斷
蕪葭露白秋將半田家祇望晚未登奈何今歲逢秋旱
君不見早晚班師舞干羽皇天應降洗兵雨

梅花月下醉歌

酌酒芳樹下寒光照玉壺舉觴酌明月起舞鶴影孤清
夜恍惚逢仙姝丰姿綽約形容麗瑋瑩充耳雙明珠纖
腰雜佩青珊瑚邀我東遊見麻姑南昌仙人在坐隅盃
傾沉澆酣芳液連日東風吹不蘇酒醒滿襟香露濕雪
花眩眼光模糊欲與仙人借雙鳧朝遊羅浮暮西湖誰
能持將北斗勸何當吸取東海枯君不見醉倒樽前曙
光白不知此樂今有無

五言律詩

追和文山青原詩東陳村民寄謝禪林諸友

晚行金粟地袖拂綠蘿烟水出源頭活峰迴樹頂圓因
君寄高興來此洗塵緣唯有山中客猶書甲子年
昔人吟中秋對月有懷蛇岩石曾為供溪毛可薦茶荆
留千載樹桂老九秋花欲結淵明社重來惠遠家

中秋對月有懷

涼夜金波動秋空玉鏡飛山河移素影霄漢出清輝照
席蟾蜍近容書鴻雁稀更闌猶夢見天上看花歸

鏡裏秋容好
岩前爽氣佳
素娥元有藥
老桂又開花
對影心猶壯
觀花鬢未華
有懷瀛海客
直欲泛靈槎

題羅用和老人賜帛詩

天子嘉耆德
推恩及老成
霜紈題御賜
春綵拜親榮
寒谷初回暖
荒城未解兵
園黃豈終隱
微起見昇平

九日偕印世傑俊賓吳文泰吳仲誠高崇德遊

石磬

蒼壁瀉飛瀑
虛亭看挂川
寒殺洒松雪
暝色帶蘿烟
銀

漢空中落玉虹
巖際懸壯觀
逢九日與子樂盤旋
登臨無好句
猿鳥笑人來
良友文皆傑
諸生俊有才
起予詩迭和
迎客菊初開
喬木凋零盡
日斜孤鶴回

九日謾興二首

佳節動高興
憑陵翠嶽孤
山河千里異
風雨滿城無
松下豺猶奈
雲中雁自呼
未能酌醪酊
且復立斯須

矯矯雲間鵠
悠悠溪上鷗
蘆花兩岸雪
楓葉一江秋
客路從飄泊
浮生任去留
幾時將鳳管
拂袖過瀛洲

題洗耳亭 并序

泉遶青原山前琮琤鏡徹寒殺襲人山中人
枕流其間而作亭其上以洗耳名之鄉衮文

信公大書洗耳亭三字猶存

路入青原去停驂洗耳亭偶聞微隱逸來此濯清冷問
法黃龍在吟詩白鶴聽巢由不可見松月滿窓櫺

讀書臺 并序

讀書臺一在永和鳳岡之陽鄉衮周文忠公

嘗讀書其上松陰鬱鬱盛夏常寒蓋廬陵擅
山水之勝斯臺又盡攬廬陵之勝也

晚上讀書臺臺高接上臺書生燈火夢丞相衮衣來山
色省還近松陰掃不開倚闌吟眺處獨鶴暮飛回

白鷺洲 并序

洲綿亘吉州六七里江水分流縈迴此洲宛
然金陵二水中分一洲之勢因以白鷺名之
宋丞相文忠公建書院其上種竹萬竿公卿

大夫多出此焉由是白鷺洲之名聞天下
吉士長懷古來遊白鷺洲波分孤嶼出沙帶一江流漁
火楓橋夜書報竹院秋磯頭明月上吟望意悠悠

魯公祠 并序

唐顏魯公為郡駕時以興起斯文為己任益
廣學舍聘賢士以淑我吉人自此廬陵教名
文物卓為江表冠吉人德之建祠螺川驛東
以永去思之意焉

魯國祠堂在螺川古驛東吉人思別駕唐史具孤忠礎
潤香芹雨廊迴古栢風我來拜公像肅仰冥鴻

青螺峯 并序

青螺峯在廬陵郡東北亭如青螺上有金
螺子故名旁臨大江水光山色映帶城郭郡
之望山也

螺峯臨北渚千古畫屏開瞰水青涵影浮空翠作堆江
流如變酒山好若為盃有客吟招隱靈泉松下來

寄德安縣尉劉麟紀

千里潯陽客青衫淚未乾琵琶秋月白蘆荻曉霜寒感
慨悲王粲登臨憶謝安風塵滿江右何處覓漁竿

以和靖處士疎影橫斜水清淺暗香浮動月黃
昏兩句為韻賦詩十四首

江上逢花處山陰飛雪初人憐孤樹瘦春寄一枝疎澹
白流纖月芳魂返太虛遙思林下路和靖苦吟餘
孤山乘興來晚歲入佳境雲樹棲鶴翎冰梢掛蟾影倚

看醉眼醒夢覺吟魂冷日夕重相思幽懷長耿耿
美人何契濶一見即留情翠袖凌風薄瓊裾曳雪輕寒
煙修竹外流水小橫殊覺芳容瘦不知華髮生

長憶携壺去西湖處士家凍雲低老樹殘雪落疎花深
谷溪流遠空林石迳斜亭前放鶴處吟思遶天涯

鶴去野亭空松門傍湖水掃雪坐荒苔臨風嗅寒藥折
花興何長得句心自喜把酒酌仙詩山中白雲起
白雲長不掃綠萼笑相迎倚樹懷中素携香覺太清江

南春較早林下雪初晴欲折無來使憑誰寄遠情

千里憶佳人芳情寄來遠林杪雪華深枝頭春色淺穿

雲苔逕紫傍水柴門掩不惜山路遙携壺臨絕嶽

絕嶽路崎嶇躋攀坐來整樹壓翠岩幽香通蘿壁暗客

笑雀喧枝樵歸花插檐落日興猶酣傳盃倚雲瞰

一樹輕冰凍滿林疎蘂香殷勤託花訊惆悵惜年芳遠

寺鐘敲寂高樓角韻長有懷不可見寤寐意難忘

元猿吟瘦嶺白雁過羅浮倚竹凝朝望看花帶暮愁丰

神何灑落貞節自清幽酌酒芳林下酣歌興未休

行行過驛亭歷歷遊仙洞白鶴羽毛翻玉龍鱗甲動花

間壺再傾石上琴三弄回首隔風塵思君入清夢

思君入何方昨夜花初發渺渺樹間雲娟娟枝上月素

輝寒玉肌清氣冷冰骨應笑桃李顏繁華覺消歇

粲粲仙妃降盈盈倚靚妝香紉青玉佩光冷素霓裳踈

藥欺霜白芳心綻蠟黃雨餘花濕處疑是泣英皇

自昔皇英去誰招花底魂數敲雲外角一酌月中尊雪

鳴山陰霽雲黃野色昏忽傳芳信至初旭散東園

溪梅

幾樹臨寒碧疎花滿溪皴波涵影瘦歌岸壓枝低月上推篷見雲深去權迷頗懷過剡曲乘興逸芳堤

嶺梅

嶺頭春意早踈蕊臘前開使節停雲望樵歌出洞來穿花羸馬過抱樹冷猿哀傳語羅浮客新詩早寄回

梅林

尋芳臨晚渡停權入寒林雪裡孤村近花間一徑深隔花人喚酒倚樹客聽琴烟寺昏鐘動歸來香滿襟

梅洞

巖谷雲深處冬暄花正開香隨微雪落訊逐早春回白鹿銜花去元猿抱子來仙人招我隱倚樹獨徘徊

梅堯

縹緲烟塵外思君不見君神遊枝上月夢繞樹間雲素頂三花聚元精一氣分氤氲招不得化作雪紛紛

梅訊

歲晏無消息此時芳訊通
初傳遠信至如見美人同
枝上喧林鵲雪中來塞鴻
關山今夜夢和月到房櫳

野梅

郊外一枝雪村邊十月春
行吟逢處士索笑向佳人
茅屋寒烟外板橋流水濱
欲乘芳興去雲樹隔嶙峋

梅樹

南昌千載樹屹立出凡塵
人想邑中尉仙留世外身
清

癯孤鶴骨天矯半龍鱗
擬掛一壺酒倚歌招子真

梅根

孤根培厚地春意在東原
蟠屈龍形古發生陽氣溫
冰堅凝體魄雪淨返精魂
大本深含蓄嚴冬花正繁

梅龍

千年一老樹瘦骨似蟠龍
玉爪冰霜合翠鱗苔蘚封羅
浮雲裡見夏禹廟中逢
乘取臞仙駕飛光未九重

梅藥

輕冰融凍蕊點綴見仙妹色潤蓋田玉光浮合浦珠枝
頭帶蟾影花底露蜂鬢此日相看處芳容何太癯

梅英

霏、含玉齒粲、出瓊英春色梢頭見陽和根底生終
身守貞白芳氣得輕清隱若飛仙佩飄翩來上京

梅萼

凍萼凝芳思空山見美人冰姿含翠靨玉齒粲朱唇結
蒂棲香雪綴枝迎早春醉看開也未微笑問花神

梅香

瓊樹流清氣花飄晴雪香暗凝翠雲袖微襲紫羅裳綺
旒來東閣芳菲滿洞房酒酣三嗅醒吟斷月昏黃

梅仁

佳實存芳核中含元氣清陽生春欲動甲拆暖初萌雪
後孤根發年深老幹成長留酸一點金鼎待和羹

梅影

江碧涵踈影飄蕭宛不羣斜橫半牕月低轉一簾雲晝

掃塵無迹陰移篆有文常隨芳質見隱映雪繽紛
祭石橋先妣墓詩

哀哀竟何恃悲痛徹心肝墓樹春雲暗塔苔宿雨殘
隨流水注食為禁烟寒腸斷思親處鶻啼喬木端

奉寄陳進士村民

不見鏡中石遙思枕上峰景星光欲聚夜雪興偏濃
著迷編新草吟哦對古松嵩華歸隱處雲樹幾千重

舊種庭前竹旋看新笋生春深翡翠合日靜鳳凰鳴
常有凌雲氣兼留避俗名希君保貞操託此寄中情

哭雱都縣尹沈宗臣父子死節

侃侃雱都令情深入夢思大兒同死節慈母痛生離
猶想之官日空憐罵賊時欲持一杯酒遙酌鬱孤祠

祭石屋先人墓詩

早歲自失怙憂懷不盡言養漸烏返哺祭效獮銜思
陟岵悲風起瞻瑩佳氣存永言思罔垂白哭秋原

欽定四庫全書

性情集卷五

五言律詩

元周巽撰

水溢芙蓉沼

案集中分詠薛道衡昔昔鹽詩蓋仿唐趙嘏之體惜闕佚今就現存

者依薛詩章句釐其前後

雨過芳池滿芙蓉照綠波雙鴛香裏浴孤鳳鏡中過獨步承恩重多情奈妬何采花休采蒨心苦感懷多

織錦竇家妻

璇璣初織錦寄與竇將軍思報七襄日裁成五色雲帛
書斷歸信綺字綴迴文灑盡行行淚何時一見君

關山別浪子

關山路難越蕩子去何之花落愁飄泊月明傷別離星
河鵲飛夜風雪鴈來時迢遞年華晚寒衣寄與誰

風月守空閨

驚風開繡幙新月照羅幃玉樹鳴清籟珠簾捲素輝砧
聲敲杵急燈燼落花微今夜思君夢應隨黃鵠飛

恒飲千金笑

蛾眉常恐妬飲笑出粧臺貌好曾承寵恩深翻見猜自
憐金屋貯不見翠華來飛閣香塵滿青鸞去不回

盤龍隨鏡隱

塵匣初開處鏡中龍影蟠斂飛秋水底月出暮雲端絕
色愁花妬清光照膽寒一從君去後懶向玉臺看

飛魂同夜鵲

驚魂長不定夜鵲遶枝同聞在交河北還來遼海東淒

風動簾幙殘月入房櫳喜報歸期近那知是夢中
倦簾聽晨鷄

妾睡何曾着俄聞唱曉鷄有懷思遠道自分守中閨近
戶明星爛空梁落月低常時驚妾夢多是四更啼

暗牖懸蛛網

綺閣凝塵網縱橫綴瑣扉愁牽千縷亂恨結一絲微當
戶蠨蛸墜穿簾熠燿飛如何解愁緒窻下理金徽

空梁落燕泥

空梁巢紫燕長日落香泥點污琴書滿飛來簾幙低雙
歸尋舊壘對舞向中閨塵迹無人掃黃昏深院迷

前年過代北

聞渡桑乾磧前年出塞時馬行邊雪遠鴈過嶺雲遲寒
恐貂裘敝時將鴛枕歌闋山消息斷日日望歸期

今歲往遼西

驅車又出塞今歲過遼西霜落彫弓動雲橫玉帳低征
鴻音訊杳飛蝶夢魂迷欲寐還驚起門前聞馬嘶

一去無消息

昔別今幾載自憐桃李顏相思萬里隔不見一書還流
水去不返浮雲那可攀殷勤託春鴈遙寄玉連環

五言排律

耕讀齋為楓墅王興定賦

結廬楓墅上躬稼事詩書田有一塍在家藏萬卷餘雲
中掛角誦雨後帶經鋤釋耒吟風處携壺詠月初鋤金
終不顧種玉學無虛覽帙從漂麥觀圖自摘蔬名垂賢

士傳身寄野人居豈惜田家苦何慚儒術踈秋聲起庭
樹涼氣入郊墟白酒開陶甕青燈照綺䟽子孫勤稼穡
詩禮重菑畲繫壤歌聲作凭軒樂自如

上翰林學士曼碩揭公三史二十韻

乾坤鍾秀氣河漢見奎光今代斯文主名公碩德昌總
裁修國史特命正皇綱身在雲霄上親依日月傍大才
司馬富有筆董狐良運屬遼金絕統承南宋亡權衡在
掌握正閏繫綱常前席頻垂問當廷賴主張陶鎔金在

金史卷五
卷五
冶追琢玉成章中使頻頒食初筵許拜嘗八珍兼上味
九醞酌天漿夜送金蓮炬朝回白玉堂高懷散春旭清
氣灑秋霜天廐來龍馬金臺鳴鳳凰諸生慚蹇劣萬里
看翱翔每誦高郵句遙思翰墨場參陪隔霄壤感激裂
肝腸鷄荐如堪待鴻書幸寄將悠悠燕樹遠漠漠楚雲
長但願持明鑒高懸照八荒

詠梅十二韻

積雪初開霽微陽欲動時美人倚芳樹佳訊到南枝冷
玲瓏瑤佩春含冰玉姿山中尋舊隱雪後見丰儀又是
經年別如何會面遲輕清天所賦貞白我能持品出群
英上名甘虜士卑仙盟如可結商夢不須期巖野孤蹤
在風霜兩鬢垂中心常自潔真味少相知落落煙塵外
飄飄雲水涯感懷時晚對託興詠周詩

奉贄歐陽承旨圭齋於書臺楊青城宅時公來

參族譜

衡嶽降神日玉堂承詔時神仙見標格鸞鳳上丰姿黼

散袞龍著文章天馬竒日邊辭玉醴岩下採金芝來續
廬陵譜兼題六一祠書臺見顏色翰墨灑淋漓雲遠清
湘樹心懷丹鳳墀停盃操別鶴一鴈過天涯

奉簡吉州蕭進士自省

對策瞻龍覓承恩拜玉墀一枝蟾影在八葉鳳毛竒瀘
水文星見南昌化雨施哦松來上邑采菊向東籬解綬
歸來日掀髯舒嘯時空懸徐孺榻長下董生帷清節誠
能守高風自可追才華今代重辭翰古人期每惜交游

晚重來會面遲天清海雨歇江闊柳雲垂欲剪蕭齋
燭細論彭澤詩吟懷共傾倒庶用慰思深

陪吳編脩子高孔楛史澄道宴岳陽樓分韻得

航字

鴈過巴陵晚凭軒感興長天低入雲夢地迥接衡湘青
草迷空闊蒼松隔杳茫花飛天岳雨木落洞庭霜欲借
仙槎去猶懷廣樂張空山祠夏禹孤嶼拜英皇遷客情
無極思君意不忘汀蘭春自綠林橘晚初黃風雪雙蓬

鬢江湖一葦航屈原初去國王粲久思鄉竹簡藏書壁
梅花冷玉詩家傳李杜翰苑失班揚自惜叨陪淺深慚
學識荒登樓鳴綠綺前席奉清觴積雨湖光霽微風秋
氣涼罷琴吟眺處雲樹暮蒼蒼

送賀元忠之曲阜學正任

送君之曲阜魯殿謁靈光琴瑟歌清廟衣冠拜素王采
芹臨上邑釋菜得升堂文字看科斗簫韶鳴鳳凰吟壇
常倚杏射圃必穿楊聽雨泮池曲舞雩沂水傍檜圍宮
樹暗花覆苑苔香東魯諸生喜西風一鷄翔贈言兗州
去別意楚波長遙望雲千里中流葦一航遊魚迎去棹
語燕繞危檣願振孔林鐸時逢文運昌

平徃頌上湖廣平章袞布巴勒駙馬時公奉詔

出征道賀二州事畢班師特授中書平章余叅

隨麾下以功授永明簿感公之恩敬獻詩以頌

公之功云

分符督諸將仗鉞討三危雷動征蠻鼓雲開飛虎旂中

軍號令肅上將智謀奇駐節春陵境屯兵溪洞陞雜耕
民不擾招捕筭無遺賊有生擒者法猶令縱之脫鞴放
鷹隼鑿穴泣狐狸孟獲終能服獍狔何足追無虞旋奏
凱有旨即班師身被黃金甲旌揚翠羽毛獻俘來太廟
錫宴上丹墀喜動龍顏日恩承鸞詔時宮袍圍玉帶御
酒賜金卮公主捧觴賀中官退食遲袞衣資黼黻廊廟
藉網維開閣薇香動岳簾花影移朝趨虎豹闕晚集鳳
凰池邊警喜寧謚聖明於緝熙金閨通籍早鐵券紀功
獻平獯頌流傳四海知

宜自愧沾微祿今當致遠辭風鵬正南繫天馬又東池
遙望台星照長懷江漢思苗碩既已格帝化自無為願
陪劉先生桂隱偕劉學存謁虞學士邵庵於妙
觀學士留飲王玉輝道士山房即席呈上

昔日臨奎閣經筵拜侍書文章煥星斗德望重璫璣太
傅歸疏廣醇儒見仲舒詔留遺草在囊有賜金餘林下
耆英少天邊故舊踈名高群玉府身退野人居山隱五

峯秀池涵一鑑虛松巢歸獨鶴萍水戲雙魚每有驚人
句頻辭使者車黃花迎晚節玉樹照春初此日陪藜杖
臨風聽珮琚尊前看灑翰香露滴秋蟪

七言律

奉賀蕪公早朝之作

玉筍班齊拜紫宸金鑾光動照青春六符長見台階正
萬歲初開壽域新隱隱晴空來鳳吹霏霏香霧繞龍鱗
彤庭錫宴承天寵傳得金花賜近臣

奉同劉進士嘆遊衡嶽登祝融峯

丹鳳飛來南斗旁祝融靈跡在衡陽海波浴日五峯曙
石洞棲雲六月涼虞舜南巡留瑞氣魏仙內鍊有神方
龍飛九五臨宸極將見朱陵降百祥

分題得東山送趙原善之金陵

亭亭秀色出芙蓉紫翠浮巒勢若龍雨過孤雲來遠岫
霞迎初日轉高峯燒丹未就楊仙術著屐先追謝傅蹤
早晚金陵望佳氣携書好去上東封

題羅朝陽暘谷丹室

日出東窗飛彩霞初昇頂上聚三花鼎含真火一元氣
爐養仙房九轉砂滄海波中產珠樹扶桑枝上吐金芽
何時參透長生術來訪羅浮處士家

同陸書隱范君平和伯長客中端午韻

詩懷自許吞江水酒面猶堪暈夕陽共欲奔馳成底事
各相慰藉是他鄉滄浪意遠蘋花老菰黍清香楚客狂
且向危樓拼一醉竹床不記卧三湘

前御史楊元誠辭官歸第御書山居二字賜之

公卿大夫賦詩以榮其歸余訪舊萬松山拜觀

宸翰及諸吟卷席間以重來休沐地真作野人

居分韻得居字

解綬歸來繼二疏賜金留得起山居天書藻翰猶飛動
雲卧松巢任卷舒亭倚狐山初放鶴座臨西澗靜觀魚
飛來靈鷲多佳氣長日相看樂有餘

讀通鑑綱目

書法麟經述作成奸邪膽落鬼神驚帝王著統三綱正
甲子編年萬目明春日麗天光炳煥秋霜肅野氣澄清
遂令覽者無遺恨如鏡懸空似水平

奉陪蘓叅政柳御史宴冷泉亭蘓公有詩次韻

呈上

澗水泠泠冰雪流波涵瓦影一亭幽坐臨石磴瑤琴響
環遶山門玉帶留白傅風流碑尚在蘓公文采句難酬
醉來倚樹漱寒碧洞口元猿吟未休

上苑梅

太液池邊柳未芽上林梅萼又開花霓旌繞樹龍輿過
僊仗臨軒羯鼓撾晴雪微飄丹鳳閣香風暗度玉皇家
洪鈞散作人間瑞三白交輝見歲華

玉堂梅

翰林夜直對臞仙月上南枝香暗傳雪片飛花迎臘瑞
冰容倚樹帶春妍詞臣題處稱魁品學士簪來集御筵
歸到瑣窗清不寐花邊呵凍寫鸞箋

山館梅

客裏梅花驚歲晏幾枝踈蒨澹相看廣平賦罷初歸第
和靖吟餘獨倚闌簾外玲瓏冰柱凍窻前灑落雪華寒
風簷終日思君處折寄憑誰為問安

林下梅

冰為肌骨玉為神林下歸來見美人冷眼笑看千樹雪
含情欲贈一枝春花飄蘿逕留芳迹詩刻苔碑生綠塵
落日孤墳吟眺苦僊兔猶想遼湖濱

竹外梅

溪上看來興瀟灑月中照見影橫斜連枝微帶幾點雪
隔葉初開三兩花蟾映寒光金瑣碎鷗翻晴羽翠交加
此君有約尋仙友因遇孤山處士家

水驛梅

官亭芳樹倚寒江瓊蕊踈踈映瑣窻停權晚看花發少
開軒時有鴈來雙一枝春到書先寄千里使還心已降
盡日凭闌酣詠久香浮綠萼酒盈缸

玉鏡中梅

玉端明月出雲端
照見芳姿雪色寒
影動冰輪來舞鶴
香浮銀闕現飛鸞
翠蛾淡掃簪花對
素靨新勻倚樹看
遙想含章簷下見
壽陽初起曉粧殘

江路梅

白雲浦口艤舟來
冷蕊迎人一笑開
老鶴啄冰飛不去
輕鷗帶雪立相猜
歌殘芳樹笛初弄
興盡中流櫂又回
一帶寒沙香滿路
波涵月影鴈聲哀

溪橋梅

清溪有客偶相招
步履微吟過畫橋
花覆石闌晴雪墜
香浮冰澗凍雲飄
水邊人立停蘭櫂
樹下仙迎吹玉簫
不見當年題柱者
檐頭折得唱歸樵

月下梅

月底初開瓊蕊香
枝頭低轉玉蟾光
當筵太白停盃問
對闕素娥涵鏡粧
望斷清輝楚天遠
寄來綠萼隴雲長
關山千里遙相憶
不覺親添兩鬢霜

雪裡梅

六出花飛春滿原孤根香動月當門
冷凝玉蕊初飛白凍折瓊枝欲斷
兔授簡梁園催泛蟻停鞭度嶺倦
聽猿思君不見年將暮回首相看
雪正繁

對梅

晴簷一笑問逋仙青眼相看玉樹前
呵筆沉吟倚東閣停盃惜問向芳筵
素心知己長相憶白髮催人祇自憐
漫寫老懷驚歲暮遙傳芳訊及春先

又

吟斷寒簷月一枝彩毫呵筆興來時
折花庾嶺封題後踏雪灞橋歸詠遲
鐵石心腸千載賦古今香影一聯詩
高歌誰繼群賢作獨對孤芳有所思

愛梅

孤山亭樹倚湖邊長日對花真可憐
照水丰姿何皎潔隔林芳態自清妍
與花友心偏喜得句驚人世共傳
玉色冰肌兩奇絕皎如鵲立玉階前

尋梅

江臯行遍陟崔嵬忽有香從何處來一樹衡寒冰萼破
數枝迎瑞雪花開美人既見傾懷喜佳友相逢盡醉回
野路酣歌明月上憐君欲去又徘徊

落梅

何人吹徹玉參差點點飛花入酒卮輕拂苔堦晴雪滿
斜飄芳屋白雲垂香魂此日隨流水芳訊幾時來故枝
遙想綠珠堪恨處臨風疑是墜樓時

臘梅

鏡裏素娥容貌改鉛華淨洗試新粧纖葩微沁蜂鬚密
踈蘂中凝鳳髓香冉冉仙姿含淡白盈盈宮粉帶輕黃
先迎臘雪留孤跡獨倚春風壓衆芳

又

緹室陽回迎瑞氣踈林幾樹吐繁英舞花美女微含笑
辟穀仙人太瘦生冰雪光華應三白肌膚綽約喜雙清
年有客重相見緩引椒觴話舊盟

平首各重味其然及此則詩書禮

相傳出入太史公水官史筆則三白

點墨漸回直無意弱水其出如

七

六世解言留為從然前若

程榮中

其

能

欽定四庫全書

性情集卷六

元周巽撰

七言律

大隱樓為妹夫羅宗信賦

卜居棲迹在城南朝市紛紛不肯談樹下鶴歸誰見一
花前鳳舞自成三窻含遠岫明如玉檻俯長江秀若藍
身在耆英圖畫裏醜顏日日帶春酣

秋蓬軒為楊仲濩賦

詩人託興在秋蓬
瀟灑吟軒畫舫同
江海餘情孤榻上
乾坤清氣一窻中
疏簾涼灑芹池雨
曲檻香來蕙畹風
黃葉滄波垂釣處
倚看雙鴈上晴空

月琴為林從吉賦

湖亭曾聽月琴聲
夢想遺音在廣寒
藥杵搗霜驚別鶴
桂闌拂露引孤鸞
冰絃低轉臨瑤席
金粟微飄滿石壇
寫盡凌波仙子意
清虛夜靜曲聲殘

齊峯樓為王思齊賦

層樓突兀並雙峯
峯近闌干秀濃色
日出青屏照簾幙
雲飛畫棟接芙蓉
朝光當戶嵐千疊
爽氣浮空翠幾重
醉寫淋漓懷逸少
欲將豪氣壓元龍

寄劉知事弘道

欲折寒梅寄一枝
京華又過十年期
上林春發鶯啼早
南浦雲深鴈過遲
卧對青藜聽夜雨
坐看玉樹賦春詞
眼中吟友多分散
闕下故人今有誰

奉和蘓叅政伯修受詔奉使宣撫還賜宴宣文

閣應制韻

鳳鳴高閣御宣文
畫刻傳呼天上聞
封事開函成大典
頌聲合樂奏南薰
羨調玉鼎來朝早
燭送金蓮過夜分
奉使已歸蕪屬國
麒麟畫裏見殊勲

題李尚敬所藏乃祖秋潤亭遺像卷子

清氣滿窗臨碧灣
寒聲瀉出兩崖間
露凋芳樹鴻初過
月落澄波鶴不還
白髮空疑柱史老
緇衣猶想謫仙閒
西風拂袖行吟處
長使諸孫憶舊顏

城南永古庵孤峯
文上人以故人禾川吳經歷

仲素臨絕遺詩見示
情不能已遂次韻以挽之

死去憑誰賦蓼莪
故人解劍遙經過
殘年古寺遺詩在
落日孤墳芳草多
勲業未成垂老盡
文章已著奈貧何
科名况有同宗弟
不與招魂效楚歌

挽謝知州

公字吉甫
號立雪

五馬歸來臨別墅
猶持風采動眉鬚
高年自是國遺老
直筆曾言臺丈夫
健若秋鷹厲霜翮
清如寒露出水壺

梅花原上吟
兔冷雪滿空
山鶴影孤

挽周宣慰方壺

伏節南征靖庾閔
提兵又出討荆蠻
配顏鶴髮雄姿老
羽扇綸巾雅量閒
梅嶺雲歸凱初奏
柳營星墜櫬空還
應憐大府朝正日
不見腰金列早班

哭龍錄事元同詩權萬安縣尹

龍岡春暮別
參軍馳檄南
征過五雲
每惜日邊歸
進士
俄驚地下作
修文空梁落
月猶見疑寒
木悲風不忍聞

夢斷吟
兔招未得
梅花江路雪紛紛

挽蕭推官

公諱憲孫芳崖御史次子晚休官居見一堂名其里為高風坊

歸來林下振高風
豐頰修髯見一翁
近世衣冠似公少
故家文獻有誰同
鳳簫聲斷瑤臺冷
繡斧塵生蕙帳空
幾葉秋風驚別鶴
蒲堦夜雨續吟蛩

七言律

壽王都事南山

紫薇幕下神仙客
黃菊花前獻壽詩
雲遶南山迎瑞氣

星臨北斗現中臺親陪上相叅謀入曾贊元戎奏凱回
剖決六曹簡書靜掃除兩廣瘴煙開座者修竹留清蔭
手種高槐成材已見紅蓮出綠水又乘驄馬上霜臺紫
袍凝露團花見綵服翻霞舞袖催看取高秋圓月夜雙
飛鳧寫上蓬萊

五言絕句

以露霧風煙月晴雨江山雪為題詠梅十首

粲粲萼綠華盈盈花上露花折露沾衣憑誰寄情素

林暗曙光微開簾散香霧美人期不來相思歲年暮
馥馥飄清氣霏霏點綠苔高城殘角斷吹送冷香來
空山含薄暝遠樹帶輕煙何處尋芳迹鍾聲照落邊
東閣賦停雲寒梢上新月惜別花又開關山路難越
南枝春意動林杪散朝暎無使傳芳訊看花日又昏
微雨落寒梢樓前綠珠墜霏霏濕瓊琚暗滴湘娥淚
孤篷臨暮渚芳樹倚寒江水落碧沙淺飛來鷗一雙
臞仙何在許晦迹隱孤山遙想沉吟處亭空鶴未還

九天飛瑤華千樹灑香雪空谷寂無人相看兩清絕

三香山礬水仙梅

貞白誰同調山礬與水仙託根同草木清濁自天然

三友松竹梅

蒼髯拂翠羽有意伴臞仙共結歲寒約村煙望水邊

三秀芝蘭梅

幽蘭可紉佩紫芝曾療飢所以粲粲者同行不相遺

三白雪月梅

月色澹欲曙雪華寒未消玉人在空谷清絕不可招

青青水中蒲三首

青青水中蒲新葉淨如拭元是寶劍精森然此留迹

青青水中蒲九節根如玉食之可延年神清髮長綠

青青水中蒲千歲花開少採得紫茸時緘書寄青鳥

六言絕句

呼童掃開蘿逕有客來扣柴扉花底香雲欲落樹頭白

鳥初飛

愛花苦吟庾嶺佩印載守揚州應笑林逋冷淡不如何
遜風流

七言絕句

梅花十首

孤山樹下曉停驂綠萼初開花兩三自是孤根得春早
先將芳信到江南

瘴海花開鴈又來邊頭不見寄書回雲橫東閣躊躇久
月上南枝次第開

晚來索笑向晴簷獨立黃昏半捲簾自折芳枝嗅瓊蕊
忽看高樹掛銀蟾

石橋流水遠柴門歲晏相逢不盡聞放鶴亭前人一去
疎林夜月冷吟魂

倚竹相看翠袖寒月中弄影見飛鸞形容何以清癯甚
雪滿空山歲又闌

問訊花神誰最賢群芳梅獨在春先清高品格花中聖
灑落丰姿鶴上仙

天寒倚樹見佳人
屑玉冷英養性真
姑射山中明月夜
風飄仙袂淨香塵

乘雲曾到太清家
玉樹當庭飄素霞
此日歸來湖上見
滿林香雪散瑤華

朝來踏雪過前林
花底誰歌白雪吟
玉女持旌雙鳳下
暮雲深處杳難尋

花底群仙搖珮璫
神凝太素美清揚
春風吹夢來金鼎
夜月霏香到玉堂

春日漫興四首

客裏惜春春又暮
無數落花綠陰生
一片溪雲將雨過
幾聲山鳥隔煙鳴

不住啼鳥催人去
望斷鄉關何處家
三月狂風吹倒樹
攪入離思是楊花

柳花漫空正撩亂
千點萬點著人衣
隨波化作浮萍去
滿路飄零似雪飛

淡煙微茫遠樹低
王孫一去草凄凄
誰知客愁無處著

又聽前林鶯亂啼

題劉子翬橫溪獨釣圖

天垂河練映寒流
坐俯清泠墜玉鈎
源上桃花微雨過
孤吟驚起水中鷗

芳洲白鷺飛來雨
日射金鱗波滉瀟
菱荷香送晚風涼
一聲清唱雲中響

紫鱗翻藻時衝岸
紅線低垂月釣竿
鴈叫蘆汀綸乍收
蟾流孤影來霄漢

儒林劉郎最清絕
手把絲絃歌闋忽見江梅數
葢開一
簑立斷寒江雪

竹枝歌十首

灩澦堆前十二灘
灘聲破膽落奔湍
巴人緩步牽江去
楚客齊歌行路難

百丈牽江江岸長
生愁險處是瞿塘
猿啼三聲齊墮淚
路轉九迴空斷腸

蜀江水落石嗟牙
南船幾日到三巴
雲近巫山不成雨

霜凋錦樹勝如霞

霜葉如花滿眼飄
已童歌駐木蘭橈
水來峽口灘方急
船到夔州路更遙

夔州日落聽啼鳥
亂石空圍八陣圖
傍渚行行訪遺迹
武侯竒才天下無

巫山秀色碧崔嵬
客子行舟望楚臺
行雲行雨幾朝暮
不見臺前神女來

疊嶂連雲氣勢高
江心巨石吼洪濤
恠底終年行路者
艱危如此不辭勞

錦江一道送春來
梅花落盡桃花開
無奈客程歸未得
樹頭樹尾鳥聲哀

杜宇催歸不暫休
宦情羈思兩悠悠
相如此日題橋去
空遣文君吟白頭

江流錦水百花香
落微吟近草堂
少陵心苦愁難著
望帝魂銷思不忘

詞

漁父歌四首

春水孤蓬發櫂謳
彩虹為線月為鈎
菀花浪杜若洲
此處垂鈎釣玉虬
箛笠蓑衣亂碧波
巨鱗發刺躍金梭
衝繁藻翻芰荷
不上鈎來可奈何

西風一葉下晴川
換酒將魚不用錢
蘆渚畔蓼洲邊
暮醉醒來月滿船

寒江獨釣去還來
機靜應無鷗鳥猜
冰柱折雪梅開坐

擁羊裘夜未回

樵父歌四首

春山漠漠斷烟橫
陰壑丁丁伐木聲
啼鳥靜落花輕看
棋松下暮雲生

白雲相逐度前峯
蘿壁猿啼翠幾重
清晝寂綠陰濃
斧聲驚動鶴巢松

滿身松露陟崔嵬
行逐岩前麋鹿來
楓葉落菊花開日
斜人唱採薪回

負薪行唱路迢迢
幾朵梅花擔上挑
風正緊雪初飄
曲中猶自憶前朝

江南弄

春意動池塘
初解凍花間啼鳥驚人夢
綺戶微開曙色明
沉香火暖曉寒輕
天桃半吐傳芳訊
新鶯百轉感中情感
中情憐淑景
思君望斷青鸞影

炎光熾枕簟涼如水
菱荷覆沼雙鴛戲
香飄水閣藕花開
簾上金鈎燕子回
霄露清塵臨上苑
朝雲行雨過

陽臺過陽臺別神女
思君心如蓮的若

秋聲起庭院
收殘暑涼蟬抱葉鳴
踈雨玉簫吹徹
人倚

樓銀漢迢迢度牛女
梧桐落翠露華冷
絡緯啼寒月

影流月影流
愁無限思君不見南飛鴈

寒威薄繡帷
人未覺咏葢爭枝喧凍雀
錦箋呵筆寫迴文
玉筯長垂不見君
北去馬啼衝塞雪
南來寫字隔

衡雲隔衡雲
消息斷思君但把梅花玩

負薪行皆為之泣也

中震動輿衆意息繼思有所為行

天子謂長語不見若 九夫地能無養地米地所

無及尊尊無入木實為飲辨海大宜欲新德入足新地或

勝為日號為新無飯則如長西地床龍

無味何功致十女 雜色容時顯新入 特異在米也

去將何用病入效始 新司其說狀 也州能入新入宜

毛地地毛地地 年長則如了 新把



